

## 09.03 PROFIL

---

### Andreas alias Mac Duschletta

*«Jau sun maridà cun il hockey e cun mes auto, manegia mia dunna!»*



Il sport da hockey ha accumpagnà Andreas Duschletta da Samedan gia dapi sia giuventetgna. Suentar avair giugà cun il Club da hockey da San Murezzan activamain – tranter auter è el er daventà campion svizzer cun la squadra da juniors – ha l'um da 62 onns s'engaschè plainamain a favur da l'EHC San Murezzan. Uschia è il pastizier, che viva cun sia dunna a San Murezzan, preschent fin quatter sairas l'emna en l'arena da glatsch Ludains sco schef da material. Actualmain dovri però anc ina pli auta preschientscha – quai causa las preparativas per la festa da giubileum da 100 onns EHC San Murezzan.

*Redacziun: Anna Caprez*